

ՀՀ բնապահպանության նախարարություն՝

ՀՀ բնապահպանության նախարարության կողմից այս կետի վերաբերյալ առարկություններ և բացատրություններ չեն ներկայացվել:

XIII. ՏԵՍՉԱԿԱՆ ՄԱՐՄԻՆԻ ԿՈՂՄԻՑ ՌԻՍԿԵՐԻ ԳՆԱՀԱՏՄԱՆ ՄԵԹՈԴԱԲԱՆՈՒԹՅՈՒՆԸ

Տեսչական մարմինը Կանոնադրության 12-րդ կետի 8-րդ ենթակետով սահմանված կարգով պարտավոր է իրականացնել վիճակագրական տվյալների հավաքման, ոլորտում գործող տնտեսավարող սուբյեկտների ռիսկերի գնահատման աշխատանքների վերլուծություն և վերահսկողական, հսկողական գործառույթների նպատակադրումը դեպի առավել ռիսկային

ոլորտներն ու տնտեսավարող սուբյեկտներ:

Տեսչական մարմինը չունի վերլուծած ռիսկերի գնահատման մեթոդաբանություն: Ռիսկերի գնահատման մեթոդաբանության նախագիծը 2017թ. դեկտեմբերին ներկայացվել է Կառավարության հաստատմանը, որը մինչ օրս չի հաստատվել

«Հայաստանի Հանրապետությունում ստուգումների կազմակերպման և անցկացման մասին» ՀՀ օրենքի 2.1 հոդվածի 1-ին մասի և 2-րդ մասի 1-ին կետի համաձայն ռիսկի վրա հիմնված ստուգումների համակարգը ստուգում իրականացնող մարմինների կողմից ստուգումների պլանավորման նպատակով իրականացվող միջոցառումների համալիր է: Ստուգում իրականացնող մարմինը՝ հետազոտելով իր վերահսկման ոլորտը, մշակում է տվյալ ոլորտում տնտեսավարող սուբյեկտների գործունեության ռիսկայնության աստիճանը որոշող չափանիշները, որոնք պետք է ներառեն տնտեսավարող սուբյեկտի գործունեության ոլորտի ռիսկը և (կամ) տնտեսավարող

սուբյեկտի անհատական ռիսկերի հանրագումարը:

Սակայն Տեսչական մարմինը չունի վերլուծած ռիսկերի գնահատման մեթոդաբանություն: Ռիսկերի գնահատման մեթոդաբանության նախագիծը 2017թ. դեկտեմբերին ներկայացվել է Կառավարության հաստատմանը, որը մինչ օրս չի հաստատվել:

Այսպիսով, հաշվի առնելով վերոգրյալը, հաշվեքննող խումբը հաշվեքննվող ժամանակաշրջանում՝ 2017թ.-ի հունվարի 1-ից 2018թ.-ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. Տեսչական մարմնի կողմից պատշաճ չի ապահովվել վիճակագրական տվյալների հավաքման և վերլուծությունների, ոլորտում գործող տնտեսավարող սուբյեկտների ռիսկերի գնահատման աշխատանքների իրականացումը և վերահսկողական ու հսկողական գործառույթների նպատակադրումը դեպի առավել ռիսկային ոլորտներն ու տնտեսավարող սուբյեկտները, ինչը չի համապատասխանում «Տեսչական մարմինների մասին» ՀՀ օրենքի 6-րդ հոդվածի 1-ին մասի 6-րդ կետի, Կանոնադրության 12-րդ կետի 8-րդ ենթակետի և «Հայաստանի Հանրապետությունում ստուգումների կազմակերպման և անցկացման մասին» ՀՀ օրենքի 2.1 հոդվածի 1-ին մասի և 2-րդ մասի 1-ին կետի դրույթների պահանջներին:
2. Տեսչական մարմինը չունի ռիսկերի վրա հիմնված ստուգումների մեթոդաբանություն:

3. Ոլորտում ռիսկերի գնահատման մեթոդաբանության բացակայությամբ գործող տնտեսավարող սուբյեկտների ռիսկերի գնահատման աշխատանքներում ցուցաբերվել է կամայական մոտեցում:

Առաջարկություններ՝

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմին՝

1. Ապահովել վիճակագրական տվյալների հավաքման և վերլուծությունների, ոլորտում գործող տնտեսավարող սուբյեկտների ռիսկերի գնահատման աշխատանքների իրականացումը և վերահսկողական ու հսկողական գործառույթների նպատակադրումը դեպի առավել ռիսկային ոլորտներն ու տնտեսավարող սուբյեկտները՝ իրականացնելով «Տեսչական մարմինների մասին» ՀՀ օրենքի 6-րդ հոդվածի 1-ին մասի 6-րդ կետի, Կանոնադրության 12-րդ կետի 8-րդ ենթակետի և «Հայաստանի Հանրապետությունում ստուգումների կազմակերպման և անցկացման մասին» ՀՀ օրենքի 2.1 հոդվածի 1-ին մասի և 2-րդ մասի 1-ին կետի դրույթները:
2. Ունենալ ռիսկերի վրա հիմնված ստուգումների մեթոդաբանություն:
3. Կամայական մոտեցում չցուցաբերել ոլորտում գործող տնտեսավարող սուբյեկտների ռիսկերի գնահատման աշխատանքները կատարելիս:

Հաշվեքննության օբյեկտների ղեկավարների պատասխան

Տեսչական մարմին՝

Տեսչական մարմնի կողմից «Հաշվեքննիչ պալատի մասին» ՀՀ օրենքի 35-րդ հոդվածի 3-րդ մասով սահմանված 10 օրյա ժամկետում չի ներկայացվել առարկություններ և բացատրություններ՝ կազմված հաշվեքննության արձանագրությունում նշված անհամապատասխանությունների կամ խեղաթյուրումների, ինչպես նաև այլ տեղեկատվության վերաբերյալ:

ՀՀ բնապահպանության նախարարություն՝

ՀՀ բնապահպանության նախարարության կողմից այս կետի վերաբերյալ առարկություններ և բացատրություններ չեն ներկայացվել:

XIV. ՎԱՅՐԻ ԿԵՆԴԱՆԱԿԱՆ և ԲՈՒՍԱԿԱՆ ԱՇԽԱՐՀԻ ՕԲՅԵԿՏՆԵՐԻ՝ ՀՀ-ԻՑ ԱՐՏԱՀԱՆՄԱՆ, ՀՀ ԴՐԱՆՑ ՆԵՐՄՈՒԾՄԱՆ ՆԿԱՏՄԱՄԲ ՎԵՐԱՀՍԿՈՂՈՒԹՅՈՒՆԸ

Գեղարքունիքի մարզի տարածքային բաժնի կողմից վերը նշված գործառույթի իրականացման վերաբերյալ տեղեկատվություն է պահանջվել, որին ի պատասխան հաշվեքննիչ խմբին պատասխանել են, որ հնարավոր չի եղել վերահսկողություն սահմանել, քանի որ իրենց հայտնի չէ մաքսատան հետ աշխատելու որևէ մեխանիզմ

Կանոնադրության 11-րդ կետի 5-րդ ենթակետի բ) պարբերության համաձայն տեսչական մարմինն իր նպատակն ու խնդիրներն իրականացնելու համար ՀՀ օրենսդրությամբ սահմանված դեպքերում և կարգով իրականացնում է վերահսկողական և (կամ) օրենքով սահմանված այլ գործառույթներ, այդ թվում՝ կիրառում է պատասխանատվության միջոցներ վայրի կենդանական և բուսական աշխարհի օբյեկտների՝ ՀՀ-ից արտահանման, ՀՀ դրանց ներմուծման սահմանված պահանջների պահպանման նկատմամբ:

Գեղարքունիքի մարզի տարածքային բաժնի կողմից վերը նշված գործառույթի իրականացման վերաբերյալ տեղեկատվություն է պահանջվել, որին ի պատասխան հաշվեքննիչ խմբին պատասխանել են, որ հնարավոր չի եղել վերահսկողություն սահմանել, քանի որ իրենց հայտնի չէ մաքսատան հետ աշխատելու որևէ

մեխանիզմ:

Գեղարքունիքի մարզի տարածքում 2017թ. արձանագրվել են Սևանա լճից խեցգետնի ապօրինի որսի 7 և Սիգ տեսակի ձկան ապօրինի որսի 4 դեպքեր: 2018թ. արձանագրվել են խեցգետնի ապօրինի որսի 2 և Սիգ տեսակի ձկան ապօրինի որսի 1 դեպք: Սակայն Տեսչության կողմից տրամադրված առգրավված բնական ռեսուրսների գրանցամատյանի (այսուհետ՝ Գրանցամատյան) տվյալներից ելնելով վերոնշյալ տվյալները չեն համապատասխանում իրականությանը: 2017թ. -ի Գրանցամատյանում գրանցված է Սիգ տեսակի ձկան և խեցգետնի ապօրինի որսի հայտնաբերման վերաբերյալ 27 դեպք, իսկ 2018թ. -ին Գրանցամատյանում գրանցված է Սիգ տեսակի ձկան և խեցգետնի ապօրինի որսի հայտնաբերման վերաբերյալ 29 դեպք: Սակայն այս գործերով վարչական վարույթ չի հարուցվել:

Հարկ է նշել նաև, որ Տեսչության կողմից 2017թ. 17 դեպքով 1118 հատ ձուկ՝ 250,5կգ ընդհանուր քաշով ճանաչվել են տիրազուրկ, իսկ 2018թ. -ին 21 դեպքով 4022 հատ ձուկ՝ 1109 կգ ընդհանուր քաշով, 124 հատ խեցգետին՝ 4,5կգ ընդհանուր քաշով ճանաչվել են տիրազուրկ: Սակայն ՀՀ Քաղաքացիական օրենսգրքի 178-րդ հոդվածի 1-ին մասի համաձայն տիրազուրկ է համարվում այն գույքը, որը չունի սեփականատեր, կամ որի սեփականատերն անհայտ է կամ հրաժարվել է դրա նկատմամբ սեփականության իրավունքից, իսկ 179-րդ հոդվածի 2-րդ մասի համաձայն դեն նետված այլ գույքն անցնում է այն տիրապետող անձի սեփականությանը, եթե այդ անձի դիմումի հիման վրա դատարանը գույքը ճանաչում է տիրազուրկ: Հետևաբար, գույքը կարող է տիրազուրկ ճանաչվել միայն դատարանի որոշմամբ օրենքով սահմանված ընթացակարգով, և Տեսչական մարմինը իրավասու չէր ապօրինի որսի ժամանակ հայտնաբերված ձկներն ու խեցգետինները գրանցամատյանում գրանցել որպես տիրազուրկ գույք: